



**სსიპ შოთა რუსთაველის
საქართველოს ეროვნული
სამეცნიერო ფონდი**

11 აგვისტო 2025

ქ. თბილისი

გენერალური დირექტორის

ბრძანება № 117

**სსიპ შოთა რუსთაველის საქართველოს ეროვნული სამეცნიერო ფონდის 2025 წლის პრემიის -
მეცნიერებაში განსაკუთრებული მიღწევებისათვის დაწესების და პრემიის მინიჭების წესის დამტკიცების
შესახებ**

„საჯარო სამართლის იურიდიული პირის - შოთა რუსთაველის საქართველოს ეროვნული სამეცნიერო ფონდის დაფუძნებისა და მისი წესდების დამტკიცების შესახებ“ საქართველოს განათლებისა და მეცნიერების მინისტრის 2010 წლის 28 ივლისის N62/ნ ბრძანებით დამტკიცებული წესდების მე-2 მუხლის მე-2 პუნქტის „ზ“ ქვეპუნქტის და მე-5 მუხლის მე-2 პუნქტის „ე“ და „პ“ ქვეპუნქტების საფუძველზე და სსიპ შოთა რუსთაველის საქართველოს ეროვნული სამეცნიერო ფონდის მეცნიერების პოპულარიზაციის სამსახურის უფროსის (N969721, 11.08.2025წ.) სამსახურებრივი ბარათის შესაბამისად,

ვბრძანებ:

1. დაწესდეს სსიპ შოთა რუსთაველის საქართველოს ეროვნული სამეცნიერო ფონდის 2025 წლის პრემია (შემდგომში - პრემია) მეცნიერებაში განსაკუთრებული მიღწევებისათვის;
2. დამტკიცდეს სსიპ შოთა რუსთაველის საქართველოს ეროვნული სამეცნიერო ფონდის 2025 წლის პრემიის მეცნიერებაში განსაკუთრებული მიღწევებისათვის მინიჭების წესი ამ ბრძანების დანართი N1-ის შესაბამისად;
3. დამტკიცდეს კრებსითი ინფორმაციის ფორმა ამ ბრძანების დანართი N2-ის შესაბამისად;
4. დამტკიცდეს სამოტივაციო წერილის ფორმა ამ ბრძანების დანართი N3-ის შესაბამისად;
5. დამტკიცდეს პროფესიული ბიოგრაფიის ფორმა ამ ბრძანების დანართი N4-ის შესაბამისად;
6. დამტკიცდეს კონკურსში მონაწილეობის შესახებ განცხადების ფორმა ამ ბრძანების დანართი N5-ის შესაბამისად;
7. კონკურსის კოორდინატორად განისაზღვროს სსიპ შოთა რუსთაველის საქართველოს ეროვნული სამეცნიერო ფონდის (შემდგომში - ფონდი) მეცნიერების პოპულარიზაციის სამსახურის სპეციალისტი - ქეთევან გორგაძე;
7. დაევალოს ფონდის მეცნიერების პოპულარიზაციის სამსახურს ამ ბრძანების გამოქვეყნება ფონდის ვებგვერდზე;
8. ბრძანება ძალაშია ფონდის ვებგვერდზე გამოქვეყნებისთანავე;
9. ბრძანება შეიძლება გასაჩივრდეს მისი ძალაში შესვლიდან ერთი თვის ვადაში თბილისის საქალაქო სასამართლოს ადმინისტრაციულ საქმეთა კოლეგიაში (მის: ქ. თბილისი, დ. აღმაშენებლის ხეივანი №64).

თეიმურაზ დოჭვირი

თ. დოჭვირი

**შოთა რუსთაველის საქართველოს ეროვნული სამეცნიერო ფონდის 2025 წლის პრემია მეცნიერებაში
განსაკუთრებული მიღწევებისათვის
კონკურსის წესი**

მუხლი 1. ზოგადი დებულებანი

1. სსიპ - შოთა რუსთაველის საქართველოს ეროვნული სამეცნიერო ფონდი აწესებს პრემიას ახალგაზრდა მეცნიერებისათვის მეცნიერებაში განსაკუთრებული მიღწევებისთვის.
2. ფონდის მიერ გამოცხადებული კონკურსის - სსიპ შოთა რუსთაველის საქართველოს ეროვნული სამეცნიერო ფონდის პრემია მეცნიერებაში განსაკუთრებული მიღწევებისათვის (შემდგომში - კონკურსი) - მიზანია ახალგაზრდა მეცნიერთა წახალისება წარმატებული და გამორჩეული სამეცნიერო მოღვაწეობის, აკადემიური კომპეტენციების ფარგლებში დარგის განვითარებისა და საზოგადოებრივი საქმიანობისთვის;
3. კონკურსის მისიაა ხელი შეუწყოს ახალგაზრდა მეცნიერების მისწრაფებას წარმატებული და განსაკუთრებული მიღწევებისკენ საქართველოში მეცნიერების პოპულარიზაციის მიზნით; ასევე, მეცნიერების განვითარებისა და სრულყოფისათვის, საზოგადოების ფართო მასებსა და განსაკუთრებით ახალგაზრდებში, მეცნიერების პოპულარიზაციის ხელშეწყობა; სამეცნიერო დისციპლინების მიმართ ახალგაზრდებში ინტერესის გაზრდა; ახალგაზრდა მეცნიერთა მოტივაციის ამაღლება სამეცნიერო კარიერის მიმართულებით.
4. კონკურსის ეფექტურობის გასაზრდელად, მეცნიერების პოპულარიზაციისა და ფართო საზოგადოების ინფორმირების გზით, ფონდი უზრუნველყოფს წარმატებულ ახალგაზრდა მეცნიერთა საქმიანობის გაშუქებას ფონდის ვებ გვერდის, სოციალური, ინტერნეტ და რადიო-ტელე მედიის საშუალებით, მათ ჩართულობას სამეცნიერო ფესტივალსა და სხვა მეცნიერების პოპულარიზაციის ღონისძიებებში, რაც ხელს შეუწყობს ახალგაზრდა მეცნიერების მოტივაციის ამაღლებას, მეტ ჩართულობას სამეცნიერო-საზოგადოებრივ აქტივობაში და მათი ცნობადობის გაზრდას, ფართო საზოგადოების ცნობიერების ამაღლებას მეცნიერების მნიშვნელობასა და ახალგაზრდა ქართველ მეცნიერთა მიღწევებზე.
5. რუსთაველის ფონდის პრემია მეცნიერებაში განსაკუთრებული მიღწევებისათვის გაიცემა ერთჯერადად, ღია კონკურსის წესით.
6. კონკურსი ითვალისწინებს ერთჯერადი პრემიით ახალგაზრდა მეცნიერის დაჯილდოებას.

მუხლი 2. ტერმინთა განმარტება

ამ წესში გამოყენებულ ტერმინებს აქვს შემდეგი მნიშვნელობა:

1. **ფონდი** – საჯარო სამართლის იურიდიული პირი – შოთა რუსთაველის საქართველოს ეროვნული სამეცნიერო ფონდი;
2. **გენერალური დირექტორი** – ფონდის გენერალური დირექტორი;
3. **საკონკურსო განაცხადი** - პრემიის მოპოვების მიზნით, ამ წესით განსაზღვრული პირობების მიხედვით ფონდში წარდგენილი საკონკურსო განაცხადი;

4. **ახალგაზრდა მეცნიერი** - საქართველოს მოქალაქე დოქტორის ან მასთან გათანაბრებული აკადემიური ხარისხის მქონე პირი, რომლის აკადემიური ხარისხის მინიჭების დღიდან კონკურსის გამოცხადების დღემდე, გასულია არაუმეტეს 7 წელი და ეწევა სამეცნიერო-კვლევით ან/და აკადემიურ საქმიანობას საქართველოს სამეცნიერო-კვლევით ორგანიზაციაში ან/და უმაღლეს საგანმანათლებლო დაწესებულებაში;
5. **შეფასების კრიტერიუმები** - ფონდში წარდგენილი საკონკურსო განაცხადების შესაფასებლად საკონკურსო კომისიისთვის განსაზღვრული, ამ წესით დამტკიცებული სახელმძღვანელო პრინციპები სათანადო ქულების მითითებით;
6. **დამოუკიდებელი ექსპერტი** - პირი, რომელიც საჭიროების შემთხვევაში აფასებს კონკურსის ფარგლებში წარდგენილ საკონკურსო განაცხადებს;
7. **საკონკურსო კომისია** - კონკურსზე დარეგისტრირებული საკონკურსო განაცხადების შემფასებელი კოლეგიალური ორგანო, რომელიც განიხილავს და აფასებს კონკურსში შემოსულ საკონკურსო განაცხადებს, შეფასების კრიტერიუმების შესაბამისად;
8. **პრემია** - ახალგაზრდა მეცნიერის მიერ კონკურსის შედეგად მოპოვებული ანაზღაურება.
9. **მიზნობრივი ანგარიში** - ახალგაზრდა მეცნიერის მიერ წარმოდგენილი საბანკო ანგარიში.

მუხლი 3. კონკურსის პრემიის კატეგორიები

1. კონკურსში საკონკურსო დოკუმენტაციის წარდგენა შესაძლებელია სამეცნიერო მიმართულებების კლასიფიკატორით განსაზღვრულ შემდეგ მიმართულებებში:
 1. საბუნებისმეტყველო მეცნიერებები
 2. ინჟინერია და ტექნოლოგიები
 3. სამედიცინო და ჯანმრთელობის მეცნიერებები
 4. აგრარული მეცნიერებები
 5. სოციალური მეცნიერებები
 6. ჰუმანიტარული მეცნიერებები
 7. საქართველოს შემსწავლელი მეცნიერებები
2. რუსთაველის ფონდის პრემიის ოდენობა თითოეულ კატეგორიაში შეადგენს 6 250 ლარს.
3. თითოეულ კატეგორიაში გაიცემა მხოლოდ ერთი პრემია.

მუხლი 4. კონკურსში მონაწილე სუბიექტები და პირობები

1. კონკურსში მონაწილეობის უფლება აქვს საქართველოს მოქალაქე ახალგაზრდა მეცნიერს, დოქტორს, ან მასთან გათანაბრებული აკადემიური ხარისხის მქონე პირს, რომლის აკადემიური ხარისხის მინიჭების დღიდან კონკურსის გამოცხადების დღემდე, გასულია არაუმეტეს 7 წელი და ეწევა სამეცნიერო-კვლევით ან/და აკადემიურ საქმიანობას საქართველოს სამეცნიერო-კვლევით ორგანიზაციაში ან/და უმაღლეს საგანმანათლებლო დაწესებულებაში.
2. საკონკურსო განაცხადს წარადგენს თავად პრემიის კანდიდატი - ახალგაზრდა მეცნიერი.
3. კონკურსის პრემია ახალგაზრდა მეცნიერს მიენიჭება, კონკურსის გამოცხადებამდე *ბოლო სამი წლის* განმავლობაში, მეცნიერებაში განსაკუთრებული მიღწევებისათვის.
4. სასურველია, კონკურსში მონაწილეობის მსურველ ახალგაზრდა მეცნიერს მინიმუმ ერთი სამეცნიერო ნაშრომი ჰქონდეს გამოქვეყნებული ან გამოსაქვეყნებლად მიღებული მაღალრეიტინგულ გამოცემაში ან ჰქონდეს გამოქვეყნებული მონოგრაფია.
5. საკონკურსო დოკუმენტაციის რეგისტრაცია შესაძლებელია ფონდის გრანტების მართვის ერთიან სისტემაში GMUS-ში [Grants Management Unified System] ელექტრონულად.

მუხლი 5. კონკურსის ადმინისტრირება

1. კონკურსის ადმინისტრირებას ახორციელებს ფონდი.
2. კონკურსის ადმინისტრირების ეტაპებია:
 - ა) კონკურსის გამოცხადება დადგენილი წესით - 11 აგვისტო;
 - ბ) ჯგუფური ონლაინ კონსულტაციები - ზუსტი თარიღი და დრო გამოქვეყნდება ფონდის ვებგვერდზე;
 - გ) საკონკურსო განაცხადების ელექტრონული რეგისტრაცია - 14 აგვისტო - 5 სექტემბერი;
 - დ) ფონდის კანცელარიაში კონკურსში მონაწილეობის შესახებ განცხადების წარდგენის ბოლო ვადა - 10 სექტემბერი;
 - ე) საკონკურსო დოკუმენტაციის კონკურსის მოთხოვნებთან შესაბამისობის დადგენა (ტექნიკური ექსპერტიზა) - სექტემბერი;
 - ვ) შუალედური შედეგების გამოქვეყნება - ინფორმაცია კონკურსის პირობების დარღვევით წარმოდგენილი საკონკურსო განაცხადების მოხსნის შესახებ - სექტემბერი-ოქტომბერი;
 - ზ) კონკურსის პირობების დაცვით წარმოდგენილი საკონკურსო განაცხადების შეფასება საკონკურსო კომისიის მიერ და გამარჯვებულების გამოვლენა - ოქტომბერი;
 - თ) გამარჯვებული საკონკურსო განაცხადების დამტკიცება ფონდის გენერალური დირექტორის მიერ და კონკურსის შედეგების საჯარო გამოცხადება ფონდის ოფიციალურ ვებ-გვერდზე - ოქტომბერი-ნოემბერი;

მუხლი 6. კონკურსზე რეგისტრაციის წესი

1. ახალგაზრდა მეცნიერი რეგისტრირდება ფონდის გრანტების მართვის ერთიან სისტემაში GMUS-ში [Grants Management Unified System] და ქმნის „მეცნიერის პროფილს“;
2. კონკურსში რეგისტრაცია ხორციელდება შემდეგი ფორმით:
 - ა) ელექტრონული რეგისტრაცია – 2025 წლის 14 აგვისტოდან - 5 სექტემბერის 18:00 საათამდე;
 - ბ) ფონდის კანცელარიაში რეგისტრაცია – 2025 წლის 10 სექტემბრის 18:00 საათამდე.
3. კონკურსში მონაწილეობისათვის ახალგაზრდა მეცნიერი, გრანტების მართვის ერთიან სისტემაში GMUS-ში (შემდეგ ბმულზე: <http://gmus.rustaveli.org.ge>) ელექტრონულად არეგისტრირებს საკონკურსო განაცხადს, რომელიც შედგება შემდეგი დოკუმენტებისგან:
 - ა) კრებსითი ინფორმაცია (დანართი ივსება GMUS-ში პროექტის რეგისტრაციის დროს);
 - ბ) განმცხადებლის სამოტივაციო წერილი, რომელშიც აღწერილია კვლევითი თემატიკის სამეცნიერო ღირებულება და პრაქტიკული მნიშვნელობა; მეცნიერების პოპულარიზაციის მიმართულებით განხორციელებული აქტივობები; საზოგადოებრივი აქტივობები/მოხალისეობა (საჯარო, სამეცნიერო-პოპულარული ლექციები; სამეცნიერო/შემეცნიერებითი სატელევიზიო და რადიო გადაცემებში მონაწილეობა და სხვა), რომელიც ემსახურება დარგის განვითარებას (დანართი, იტვირთება GMUS - ში PDF დოკუმენტის ფორმით);
 - გ) განმცხადებლის პროფესიული ბიოგრაფია - გენერირდება გრანტების მართვის ერთიანი სისტემიდან (GMUS) ქართულ ენაზე (დანართი, იტვირთება GMUS - ში PDF დოკუმენტის ფორმით);
 - დ) დამატებითი დოკუმენტაცია: სერტიფიკატი, ჯილდო, პრიზი, პატენტი და სხვა (იტვირთება GMUS - ში PDF დოკუმენტის ფორმით);
 - ე) დოქტორის ან მასთან გათანაბრებული აკადემიური ხარისხის დამადასტურებელი დოკუმენტი - იტვირთება „მეცნიერის პროფილში“.
 - ვ) ოფიციალური ცნობა სამეცნიერო-კვლევითი ან აკადემიური საქმიანობის შესახებ, 2025 წლის მდგომარეობით - იტვირთება „მეცნიერის პროფილში“.

4. ფონდის კანცელარიაში რეგისტრაციის ეტაპი გულისხმობს კონკურსში მონაწილეობის შესახებ განცხადების წარმოდგენას ფონდის კანცელარიაში 2025 წლის 10 სექტემბრის 18:00 საათამდე (კონკურსის პირობების მე-6 მუხლის მე-2 პუნქტით დადგენილი წესის შესაბამისად);
5. კონკურსში გამარჯვების შემთხვევაში, ახალგაზრდა მეცნიერმა უნდა წარმოადგინოს მიზნობრივი ანგარიშის რეკვიზიტები, რომელზეც ჩაირიცხება პრემიის თანხა.
6. ვადის დარღვევის, ყალბი ან/და არასრული დოკუმენტაციის წარმოდგენის შემთხვევაში პრემიაზე წარდგენილი საკონკურსო განაცხადი ფონდის მიერ საკონკურსოდ არ განიხილება და მოიხსნება.

მუხლი 7. პრემიების გადაცემის პროცედურა

გამარჯვებული კანდიდატისათვის პრემია გაიცემა უნაღდო ანგარიშსწორებით, მე-3 მუხლში მითითებული კატეგორიისა და ოდენობების შესაბამისად, საქართველოს კანონმდებლობით არსებული ყველა შესაბამისი გადასახად(ებ)ის გათვალისწინებით.

მუხლი 8. ინტერესთა კონფლიქტი

1. დაუშვებელია საკონკურსო კომისიის წევრი იყოს ამავე კონკურსის მონაწილე.
2. არ შეიძლება საკონკურსო დოკუმენტაციის შეფასების და დამტკიცების პროცესში მონაწილეობდეს საკონკურსო კომისიის წევრი:
 - ა) რომელსაც აქვს საერთო პუბლიკაცია პროექტის მონაწილეებთან ან მონაწილეობდა მათთან ერთსა და იმავე სამეცნიერო-კვლევით პროექტში ან მუშაობს ერთსა და იმავე სტრუქტურულ ერთეულში (ფაკულტეტი, ინსტიტუტი, დეპარტამენტი);
 - ბ) რომელმაც შესაძლოა მიიღოს უშუალო პროფესიული, ფინანსური ან პირადი სარგებელი პროექტის გამარჯვების ან დამარცხების შემთხვევაში;
 - გ) რომელსაც აქვს პროექტის თემატიკის ან კვლევის მეთოდის შესახებ საკონკურსო დოკუმენტაცია ავტორებისაგან ფუნდამენტურად განსხვავებული პოზიცია;
 - დ) რომელიც თვითონ არის დაინტერესებული მხარე პროექტში; პროექტში მონაწილის ნათესავია; პროექტში მონაწილის წარმომადგენელია; შრომით ურთიერთობაშია პროექტში მონაწილესთან.
3. ამ დებულების მიზნებისათვის ნათესავად ჩაითვლება:
 - ა) პირდაპირი ხაზის ნათესავი;
 - ბ) მეუღლე, მეუღლის და-ძმა და პირდაპირი ხაზის ნათესავი;
 - გ) აღმავალი ხაზის პირდაპირი ნათესავის და-ძმა;
 - დ) და-ძმა, მათი მეუღლეები და შვილები.
4. საკონკურსო კომისიის წევრი ვალდებულია გენერალურ დირექტორს ოფიციალურად აცნობოს ამ მუხლში აღნიშნული გარემოებისა და თვითაცილების შესახებ.
5. იმ შემთხვევაში, თუ ინფორმაცია საკონკურსო კომისიის წევრის ინტერესთა კონფლიქტის შესახებ ფონდისთვის ცნობილი გახდება დასაფინანსებლად შერჩეული პროექტების დამტკიცებამდე, ფონდი უფლებამოსილია იმსჯელოს შესაბამისი საკონკურსო კომისიის წევრის მიერ გაკეთებულ შეფასების გაუქმების შესახებ.

მუხლი 9. საკონკურსო განაცხადების შეფასება

1. ფონდის გენერალური დირექტორი ინდივიდუალური ადმინისტრაციულ-სამართლებრივი აქტით ქმნის საკონკურსო კომისიას და განსაზღვრავს მისი მუშაობის წესს;
2. საკონკურსო კომისია უფლებამოსილია, საჭიროების შემთხვევაში, მოიწვიოს დამატებითი დამოუკიდებელი ექსპერტი;

3. შეფასება ხორციელდება საკონკურსო კომისიის მიერ ამ წესის მე-10 მუხლით განსაზღვრული შეფასების კრიტერიუმების გამოყენებით.
4. საკონკურსო კომისია განიხილავს და შეფასების კრიტერიუმების შესაბამისად აფასებს კონკურსში შემოსულ საკონკურსო განაცხადებს პრემიების ნომინაციების მიხედვით, ადგენს რანჟირებულ სიებს და კონკურსის თითოეულ ნომინაციაში ავლენს გამარჯვებულ ახალგაზრდა მეცნიერებს;
5. გენერალური დირექტორი ინდივიდუალური სამართლებრივი აქტით ამტკიცებს საკონკურსო კომისიის მიერ გამოვლენილ გამარჯვებულ საკონკურსო განაცხადებს.

მუხლი 10. საკონკურსო განაცხადების შეფასების კრიტერიუმები

1. საკონკურსო განაცხადები შეფასდება შემდეგი კრიტერიუმების გათვალისწინებით:

ა) კრიტერიუმებში ქულებით შეფასება განიმარტება შემდეგნაირად:

ბ) თითოეული კრიტერიუმი (1,2,3) ფასდება მინიმუმ 1, მაქსიმუმ 5 ქულით.

გ) სამივე კრიტერიუმისათვის მინიმალური შესაძლო ჯამური შეფასებაა 3, მაქსიმალური -15 ქულა.

დ) თანაბარი ქულების დაგროვების შემთხვევაში, უპირატესობა მიენიჭება იმ საკონკურსო განაცხადს, რომელიც ჯამურად მაღალ ქულას დააგროვებს თანმიმდევრულად პირველ, შემდეგ მეორე და მესამე კრიტერიუმებში.

1. სამეცნიერო-კვლევითი საქმიანობა	1	2	3	4	5	მინიმუმ 1 ქულა მაქსიმუმ 5 ქულა
კვლევითი თემატიკის სამეცნიერო ღირებულება და პრაქტიკული მნიშვნელობა; სამეცნიერო ნაშრომები ბოლო 3 წლის განმავლობაში; სამეცნიერო ღონისძიებებში მონაწილეობა; საერთაშორისო და ეროვნულ სამეცნიერო პროექტებში მონაწილეობა; საერთაშორისო/ეროვნული ჯილდოები, პრიზები, სტიპენდიები, წევრობა და სხვა.						
2. აკადემიური კომპეტენციები	1	2	3	4	5	მინიმუმ 1 ქულა მაქსიმუმ 5 ქულა
კურიკულუმების, ახალი სასწავლო კურსების მომზადება, საბაკალავრო, სამაგისტრო ნაშრომების ხელმძღვანელობა, რეცენზირება, სახელმძღვანელოების შედგენა და სხვა საერთაშორისო და ეროვნულ-საგანმანათლებლო პროექტებში მონაწილეობა.						
3. საზოგადოებრივი აქტივობები	1	2	3	4	5	მინიმუმ 1 ქულა მაქსიმუმ 5 ქულა
მეცნიერების პოპულარიზაციის მიმართულებით განხორციელებული აქტივობები (საჯარო, სამეცნიერო-პოპულარული ლექციები; სამეცნიერო/შემეცნიებითი სატელევიზიო და რადიო გადაცემებში მონაწილეობა და სხვა); საზოგადოებრივი აქტივობები/მოხალისეობა, რომელიც ემსახურება დარგის განვითარებას.						
შემაჯამებელი კომენტარი						

ე) შემაჯამებელი შეფასება შესაბამისობაში უნდა იყოს კრიტერიუმების 5-ქულიანი (1-5) სისტემით შეფასებასთან და განიმარტება შემდეგნაირად:

შეფასება ქულით	შეფასება	განმარტება
1	სუსტი	საკონკურსო განაცხადი არაადეკვატურად პასუხობს მოცემულ ქვეკრიტერიუმს, გართულებულია შეფასება არასაკმარისი, ბუნდოვანი ან შეუსაბამო ინფორმაციის გამო.
2	დამაკმაყოფილებელი	საკონკურსო განაცხადი ზოგადად პასუხობს მოცემულ ქვეკრიტერიუმს, მაგრამ აქვს მნიშვნელოვანი უზუსტობები და სუსტი მხარეები.
3	კარგი	საკონკურსო განაცხადი კარგად პასუხობს მოცემულ ქვეკრიტერიუმს, მაგრამ აქვს გარკვეული ხარვეზები და საჭიროებს გაუმჯობესებას.
4	ძალიან კარგი	საკონკურსო განაცხადი ძალიან კარგად, ზუსტად პასუხობს მოცემულ ქვეკრიტერიუმს. გამოკვეთილია ორიგინალურობა და სამეცნიერო პოტენციალი, თუმცა შესაძლებელია გარკვეულწილად დახვეწა.
5	საუკეთესო	საკონკურსო განაცხადი საუკეთესოდ პასუხობს მოცემულ ქვეკრიტერიუმს, შეიძლება არსებობდეს უმნიშვნელო ერთეული შენიშვნები, რომლებიც არ ეხება სამეცნიერო პოტენციალს.

ივსება გრანტების მართვის ერთიან სისტემაში GMUS-ში რეგისტრაციის დროს

კრებსითი ინფორმაცია

1	ახალგაზრდა მეცნიერის პირადი ნომერი	
2	ახალგაზრდა მეცნიერის სახელი, გვარი	
3	ახალგაზრდა მეცნიერის ელ.ფოსტა	
4	ახალგაზრდა მეცნიერის ტელეფონი	
5	სამეცნიერო მიმართულება	1. საბუნებისმეტყველო მეცნიერებები 2. ინჟინერია და ტექნოლოგიები 3. სამედიცინო და ჯანმრთელობის მეცნიერებები 4. აგრარული მეცნიერებები 5. სოციალური მეცნიერებები 6. ჰუმანიტარული მეცნიერებები 7. საქართველოს შემსწავლელი მეცნიერებები
	ქვე-მიმართულება	
	კატეგორია	
6	სამოტივაციო წერილი	PDF ფაილის ატვირთვა
7	პროფესიული ბიოგრაფია	PDF ფაილის ატვირთვა
8	სხვა სამეცნიერო პროდუქტიულობის დამადასტურებელი დოკუმენტები (საერთაშორისო / ეროვნული ნომინაციები, ჯილდოები, პრიზები, სტიპენდიები, წევრობა და სხვა)	PDF ფაილის ატვირთვა

სამოტივაციო წერილი

სამეცნიერო-კვლევითი საქმიანობა (კვლევითი თემატიკის სამეცნიერო ღირებულება და პრაქტიკული მნიშვნელობა; სამეცნიერო ნაშრომები ბოლო 3 წლის განმავლობაში; სამეცნიერო ღონისძიებებში მონაწილეობა; საერთაშორისო და ეროვნულ სამეცნიერო პროექტებში მონაწილეობა; საერთაშორისო/ეროვნული ჯილდოები, პრიზები, სტიპენდიები, წევრობა და სხვა.)

აკადემიური კომპეტენციები (კურიკულუმების, ახალი სასწავლო კურსების მომზადება, საბაკალავრო, სამაგისტრო ნაშრომების ხელმძღვანელობა, რეცენზირება, სახელმძღვანელოების შედგენა და სხვა საერთაშორისო და ეროვნულ საგანმანათლებლო პროექტებში მონაწილეობა)

საზოგადოებრივი აქტივობები (მეცნიერების პოპულარიზაციის მიმართულებით განხორციელებული აქტივობები (საჯარო, სამეცნიერო-პოპულარული ლექციები; სამეცნიერო/შემეცნიერო სატელევიზიო და რადიო გადაცემებში მონაწილეობა და სხვა); საზოგადოებრივი აქტივობები/მოხალისეობა, რომელიც ემსახურება დარგის განვითარებას.)

დამატებითი ინფორმაცია (სამეცნიერო ნაშრომის ბმული და სხვა)

პირადი ინფორმაცია

პირადი ნომერი:

სრული სახელი:

სქესი:

დაბადების თარიღი:

მოქალაქეობა:

ენები

საკონტაქტო ინფორმაცია

ელ.ფოსტა:

მობილურის ნომერი:

ქვეყანა:

ქალაქი:

მისამართი:

განათლება

უმაღლესი აკადემიური ხარისხი/სტატუსი

აკადემიური ხარისხი/სტატუსი:

მინიჭების თარიღი:

მიღებული განათლება

აკადემიური ხარისხი/ სტატუსი	დაწესებულების დასახელება	ქვეყანა	სპეციალობა	დაწყების წელი	დასრულების წელი

ტრენინგები/სემინარები/სასწავლო კურსები

ორგანიზაციის დასახელება	ტრენინგის / სემინარის / სასწავლო კურსის თემა	დაწყების წელი	დასრულების წელი

პროექტები

მიმდინარე პროექტები

პროექტის დასახელება	პოზიცია	პროექტის ხელმძღვანელი	დაწყების თარიღი	დონორი

დასრულებული პროექტები

სამეცნიერო მიმართულებები

ძირითადი მიმართულებები

მიმართულება:

ქვე-მიმართულება:

კატეგორია:

დასაქმების ისტორია

მიმდინარე სამუშაო ადგილ(ებ)ი

სამუშაო ადგილი	სტრუქტურული ერთეულის დასახელება	თანამდებობა	მოვალეობები	დაწყების თარიღი

სამეცნიერო პროდუქტიულობა

პატენტები

დასახელება	გამცემი ორგანიზაცია	სარეგისტრაციო ნომერი	გაცემის წელი

სხვა პროდუქტები

პროდუქტის ტიპი	სარეგისტრაციო ნომერი	გაცემის წელი

სტატია / მონოგრაფია / სახელმძღვანელო

ტიპი	ავტორ(ებ)ი	სათაური	ჟურნალი	წელი

სტიჰენდიები და ჯილდოები

სტიჰენდიის/ჯილდოს დასახელება	გამცემი	მიღების წელი

სამეცნიერო ფორუმებში მონაწილეობა

სამეცნიერო ფორუმის დასახელება	მოხსენების სათაური	ჩატარების ადგილი	წელი

პროდუქტიულობის მაჩვენებელი

#	ციტირების ინდექსი	h-ინდექსი
Google Scholar		

გ ა ნ ც ხ ა დ ე ბ ა

**შოთა რუსთაველის საქართველოს ეროვნული სამეცნიერო ფონდის 2025 წლის პრემია
მეცნიერებაში გასაკუთრებული მიღწევებისათვის
კონკურსში მონაწილეობის შესახებ**

წარმოგიდგენთ რა ინფორმაციას საკონკურსო განაცხადის შესახებ, ვადასტურებ, რომ გავცანი სსიპ - შოთა რუსთაველის საქართველოს ეროვნული სამეცნიერო ფონდის გენერალური დირექტორის 2025 წლის 11 აგვისტოს N ბრძანებით დამტკიცებულ წესს „შოთა რუსთაველის საქართველოს ეროვნული სამეცნიერო ფონდის 2025 წლის პრემია მეცნიერებაში გასაკუთრებული მიღწევებისათვის“ და ხელმოწერით ვაცხადებ თანხმობას, მონაწილეობა მივიღო კონკურსში ზემოთ ხსენებული დოკუმენტებით დადგენილი წესებისა და პირობების დაცვით.

ვადასტურებ, რომ ჩემ მიერ ფონდის გრანტების მართვის ერთიან სისტემაში (GMUS) რეგისტრირებული საკონკურსო განაცხადისთვის წარმოდგენილი ინფორმაცია ზუსტია და არ შეიცავს ყალბ მონაცემებს. ახალგაზრდა მეცნიერი ვიღებ პასუხისმგებლობას, რომ წარმოდგენილი საკონკურსო განაცხადი არ შეიცავს პლაგიატის ელემენტებს.

ვეთანხმები, რომ ფონდი უფლებამოსილია, კონკურსის ნებისმიერ ეტაპზე გადაამოწმოს საკონკურსო განაცხადის შესაბამისობა კონკურსის მიზნებისათვის დადგენილ მოთხოვნებთან, ასევე, წარმოდგენილი ინფორმაციის სიზუსტე და რაიმე სიყალბის აღმოჩენის შემთხვევაში, მოხსნას წარმოდგენილი საკონკურსო განაცხადი კონკურსიდან.

ასევე თანახმა ვარ, რომ კონკურსის მიზნებისთვის ჩემი პერსონალური მონაცემები დამუშავდეს ფონდის მიერ.

გთხოვთ, დაარეგისტრიროთ ჩემ მიერ წარმოდგენილი საკონკურსო განაცხადი კონკურსში „შოთა რუსთაველის საქართველოს ეროვნული სამეცნიერო ფონდის 2025 წლის პრემია მეცნიერებაში გასაკუთრებული მიღწევებისათვის“.

ახალგაზრდა მეცნიერი

ახალგაზრდა მეცნიერის სახელი და გვარი	
ელექტრონული ფოსტა	
ტელეფონის ნომერი	
ხელმოწერა	